



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 344. An & qualiter annorum aliorum ubertate compensetur
sterilitas, ita ut non sit locus remissioni.

[urn:nbn:de:hbz:466:1-73957](#)

Quæst. 343. An & quando ob sterilitatem tota pensio remittenda?

REsp. in eo casu, quando omnino nulli fructus percipiuntur. De Lugo num. 41, cum comm. ex ea ratione, quod, cum pensio solvenda in compensationem fructuum, ubi nulli proveniunt fructus, nihil compensationis seu pensionis sit praestandum. An vero etiam integra pensio sit remittenda, ubi quidem aliquid fructuum percipitur, non tamen aequivalens semini jacto impensis factis, in eo non ita convenire AA. videntur. Affirmare videtur Bartol. in *l. si merces. §. vis major.* eo quod per fructum intelligatur id, quod remanet detracto semine & expensis; adeoque, si his detractis nihil remanet, nulli fructus collecti censeantur. Verum hanc sententiam, ut dictum *quæst. preced.* reprobant Abb. Covar. Molin. de Lugo, argumento desumpto ex *l. conducto. ff. locati.* Dum ibi dicitur: Sed eti labes facta sit, omnemque fructum tulerit, damnum coloni non esse, ut supra damnum seminis amissi mercedes praestare cogatur &c. ex quo patet, supponi nullos omnino fructus collectos, alioquin jaucturam seminis non fecisset; ita de Lugo, dicens proinde ad omnimum dampnum liberationem à pensione requiri, quod absoluere nulli fructus percipientur.

Quæst. 344. An & qualiter annorum annorum ubertate compensetur sterilitas, ita ut locus sit remissio?

REsp. Sterilitatem praesentis anni damnum que, quod inde passus conductor, ita compensari posse per ubertatem aliorum annorum praecedentium & sequentium, ut nulla remissio pensionis correspondentis isti anno sterili debeatur aut peti possit, habet communis, quam tenent de Lugo loc. cit. num. 48, Pirk. loc. cit. Carpz. p. 2. c. 37, defin. 12. Stru. b. t. tb. 17. Muller. ibid. lit. e. & conitat ex *l. ex conducto. ff. locati. l. 8. C. eod. l. 17. §. 1. ff. de ann. legat. c. proper. b. t.* Atque ita ubertas illa compensativa supponit locationem factam ad plures annos, & esse debet unius anni comprehensi in eodem contractu locationis. De Lugo loc. cit. non enim tunc tot sunt locationes, quot anni, sed omnium annorum unica & individualia locatio, eti plures distinctas praestationes continet. Muller. loc. cit. cum Fabro in Cod. l. 4. tit. 41. d. 3. num. 4. Unde si annus ille fertilis sit alterius locationis proximè finita seu praterita, vel nova subsequentis, non impedit remissionem pensionis pro praesente anno sterili. De Lugo loc. cit. Quamvis autem, ut Muller. ex Carpz. dicat, quod non nisi finita locatione omnium illorum annorum sit tractandum de remissione pensionis ex ea utique ratione, quod tunc, & non prius comparatis omnibus illis annis inter se stabiliter statui possit de quantitate remissionis facienda: nihilominus, si ita simpliciter concepta locatio, ut in singulos annos separatim solvenda pensio, & peti possit ejus remissio, ut teste Carpz. hodie plerunque fit, statim, ac confitat se praesentis anni sterilitate, facienda remissio, non exspectato, an sequentium annorum ubertas tanta sit futura, ut sterilitas praecedens ea compensari possit. De Lugo loc. cit. Muller. loc. cit. lit. ζ. citato Fabro ubi ante. d. 35. num. 3. ita etiam, ut Muller. cum Carpz. loc. cit. num. 13. ut contingente ubertate sequentium annorum, remissio illa facta repeti nequeat.

Cujus posterioris contrarium, nimirum, quod pars illa pensionis remissa repeti possit, docent Molli. loc. cit. num. 9. Less. loc. cit. num. 19. Pirk. b. t. num. 6. De Lugo loc. cit. ut ajunt, cum communis; & quidem, ut posterior, eti remissio illa facta sub nomine donationis seu condonationis. Quod si vero locatio facta tantum ad unum annum, & ob sterilitatem illius facta remissio, ubi postmodum tacite fieret relocatio, ubertas sequentium annorum non attenditur, nimirum ad repetendum, quod remissum Muller. l. c. cum Gerdes. tr. de remiss. pens. c. 2. idque, quia ista relocatio est locatio distincta à priore. De cætero tunc censemur sterilitas compensari fertilitate annorum praecedentium & sequentium (non tantum immediatè, sed & interpolatim, ut Barbos. in collectan. in c. proper. b. t. num. 18.) si his annis simul collatis tantum commodi perceperit colonus ultra consuetos fructus, quantum damni anno illo sterilitatis passus, ita ut omnibus collatis inter se, non censemur conductor esse in notabili damno. De Lugo num. 49. Less. loc. cit. num. 20. Pirk. loc. cit. In ordine ad hanc compensationem habenda quoque est ratio omnium rerum in contractu locationis contentarum simul & conjunctim, non verò istius rei solidū, in qua conductor passus est damnum, ita ut, si passus sit notabile damnum, nihilque perceptum in frumentis. V. g. multum tamē & solito plus perceperit ex oleis, vineis, fano, molendinis, pecoribus, vectigalibus &c. ut damnum illud compensetur, remissio locus non sit; cum omnium simul sumptorum sit idem & unicis contractus locationis. Muller. b. t. tb. 16. lit. d. citatis Cavalcan. p. 1. decif. 44. num. 33. & Mevio in tr. de pensionar. num. 73. & seq. Teneatur nihilominus & cogi potest talis conductor ad faciendam remissionem suo conductori magnum damnum passio in re particulari. Muller. loc. cit. citatis Caval, ubi ante, Bossio, Gerdes &c.

Quæst. 345. Merces operarum conductorum quæ & qualiter solvenda?

1. **R**Esp. primò: Conductores operarum, officiālium, famulorum, operariorum teneri regulariter debito tempore iis solvere fideliter & integrè mercedem justam conventam, habet communis & certa, & si in horum aliquo defecerint, tenentur ad restitutionem intereste & omnia damage illis exinde secuta, imò & lucrum cessans. Et quidem de tempore quo facienda solutio, an nimirum facienda sub initium, an ad finem operis, dictum est supra. De reliquo quòd ab labores & operas alias finito tempore, pro quo conductæ, ita, ut si post illud in notabili & culpabili mora sit conductor illarum, teneatur, ad restitutionem damage, quae ob dilationem solutionis sequuntur, puta, dum officiales Principum & famuli domini coguntur credito vivere, & hinc carius necessaria emere, contrahere debita, & ex summis capitalibus solvere intereste, ut habet item communis.

2. **R**Esp. secundò: Quod attinet justitiam mercedis, stipendiī, salarii officialium, famulorum aliorumque pro mercede locantium operas suas, ut cognosci valeat, quodam sit justum salariū, attendenda locorum consuetudo & estimatio communis; id enim, quod in loco communiter sit & estimatur justum, esse mensuram justi pretii dictum est supra, ubi de venditione. Dein paucitas &